

საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისათვის წარსადგენი სამოსამართლო გამოცდილების მქონე მოსამართლეობის კანდიდატის შეფასების ფორმა

მოსამართლეობის კანდიდატის გენადი მაკარიძის შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით		
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს	<input checked="" type="checkbox"/>	
მოსამართლეობის კანდიდატის შეფასება კომპეტენტურობის კრიტერიუმის მიხედვით		
კრიტერიუმი	მიღებული ქულა	მაქსიმალური ქულა
სამართლის ნორმების ცოდნა	19	20
სამართლებრივი დასაბუთების უნარი და კომპეტენცია	19	20
წერის უნარი	19	20
ზეპირი კომუნიკაციის უნარი	14	15
პროფესიული თვისებები, მათ შორის, ქცევა სასამართლო დარბაზში	14	15
აკადემიური მიღწევები და პროფესიული წვრთნა	4	5
პროფესიული აქტივობები	3	5
ქულათა ჯამი	92	100

სახელი, გვარი: ნიკოლოზ მარსაგიშვილი

თარიღი: 04/04-2021 წელი





საქართველოს იუსტიციის უმაღლესი საბჭოს წევრი ნიკოლოზ მარსაგიშვილი

საქართველოს უზენაესი სასამართლოს მოსამართლის შესარჩევ კონკურსში მონაწილე კანდიდატის

გენაღი მაკარიძის შეფასების დასაბუთება

საქართველოს უზენაესი სასამართლოს მოსამართლის შესარჩევ კონკურსში მონაწილე კანდიდატის გენაღი მაკარიძის შეფასების დასაბუთების შედგენის პროცესში ვიხელმძღვანელებ „საერთო სასამართლოების შესახებ“ საქართველოს ორგანული კანონის 34¹ მუხლის მე-11 პუნქტით დადგენილი წესით.

მოსამართლეობის კანდიდატის შეფასება კეთილსინდისიერების კრიტერიუმის მიხედვით		კომენტარი
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	გენაღი მაკარიძის „საერთო სასამართლოების შესახებ“ საქართველოს ორგანული კანონით გათვალისწინებული კეთილსინდისიერების კრიტერიუმით შესაფასებლად, წინამდებარე დასაბუთებაში დეტალურად არის განხილული აღნიშნული კრიტერიუმის თითოეული მახასიათებელი. რა დროსაც, ვიხელმძღვანელებ კანდიდატის შესახებ მოძიებული ინფორმაციითა და საჯარო მოსმენაზე მის მიერ გამოვლენილი თვისებებითა და მახასიათებლებით. ინფორმაციის ანალიზისა
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	

<p>მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს</p>	<input checked="" type="checkbox"/>	<p>და შეჯერების შედეგად, კი მივიჩნიე, რომ ვინაიდან არ გამოკვეთილა რაიმე გარემოება, რაც ეჭვქვეშ დააყენებდა კანდიდატის კეთილსინდისიერების საკითხს იგი თითოეული კომპონენტის მიხედვით უნდა შეფასდეს დადებითად. შესაბამისად, გავაკეთე დასკვნა, რომ გენადი მაკარიძე სრულად აკმაყოფილებს კეთილსინდისიერების კრიტერიუმს.</p>	
<p>მოსამართლეობის კანდიდატის შეფასება კომპეტენტურობის კრიტერიუმის მიხედვით</p>		<p>კომენტარი</p>	
<p>კრიტერიუმი</p>	<p>მიღებული ქულა</p>	<p>მაქსიმალური ქულა</p>	
<p>სამართლის ნორმების ცოდნა</p>	<p>19</p>	<p>20</p>	<p>გენადი მაკარიძის მიერ წარმოდგენილი სამართლებრივი დოკუმენტის¹ შესწავლისა და საჯარო მოსმენის პროცესში მის მიერ გაცემული პასუხების გაანალიზების შედეგად, შესაძლებელია ითქვას, რომ იგი კარგად ფლობს მატერიალურ და საპროცესო კანონმდებლობას. აგრეთვე, ეცნობა ადამიანის უფლებათა ევროპული სასამართლოს პრაქტიკას. მნიშვნელოვანია, რომ კანდიდატი სწორად ახდენს სამართლებრივი ნორმების გაანალიზებას, მათი მიზნისა და შინაარსის დადგენას. ამასთან, საჯარო მოსმენაზე, გენადი მაკარიძის პასუხები თითქმის ყველა დასმულ შეკითხვაზე იყო ამომწურავი და დასაბუთებული.</p>
<p>სამართლებრივი დასაბუთების უნარი და კომპეტენცია</p>	<p>19</p>	<p>20</p>	<p>კანდიდატს აქვს ხანგრძლივი პროფესიული, მათ შორის, მოსამართლის თანამდებობაზე მუშაობის 9-წლიანი გამოცდილება. ამასთან, გენადი მაკარიძის მიერ მიღებული გადაწყვეტილება არის თანმიმდევრული, ლოგიკური და იგი კარგად არის დასაბუთებული, როგორც ფაქტობრივი ისე სამართლებრივი თვალსაზრისით. უნდა აღინიშნოს ისიც, რომ საჯარო მოსმენის პროცესში კანდიდატის მიერ ჩამოყალიბებული მოსაზრებები და მსჯელობა ძირითადად იყო დამაჯერებელი.</p>

¹ 20-- წლის 1 მარტის გადაწყვეტილება, საქმე #2/3---, დავის საგანი: საზოგადოების პარტნიორთა კრების გადაწყვეტილების ბათილად ცნობა.

წერის უნარი	19	20	გენადი მაკარიძის მიერ წარმოდგენილი სამართლებრივი დოკუმენტის შესწავლის საფუძველზე შესაძლებელია ითქვას, რომ კანდიდატი გამოირჩევა სათანადო წერის უნარით. კერძოდ, მის მიერ მიღებული გადაწყვეტილება არის ჩამოყალიბებული ცხადი და გამართული ენით.
ზეპირი კომუნიკაციის უნარი	14	15	კანდიდატი არის თავდაჭერილი, დავდაჯერებული და კორექტული. იგი საჯარო მოსმენის მიმდინარეობისას საკუთარ პოზიციას ძირითადად გადმოსცემდა ღიად, ნათლად და თანმიმდევრულად.
პროფესიული თვისებები, მათ შორის, ქცევა სასამართლო დარბაზში	14	15	გენადი მაკარიძე გამოირჩევა შრომისმოყვარეობით, მიზანდასახულობითა და დამოუკიდებელი აზროვნების უნარით. ამასთან, სტატისტიკური ინფორმაციის თანახმად, მაღალია მის მიერ საპროცესო ვადების დაცვით განხილულ საქმეთა პროცენტული მაჩვენებელი - 88,1%, თუმცა უცვლელად დატოვებულ გასაჩივრებულ გადაწყვეტილებათა პროცენტული მაჩვენებელი შეადგენს 81,6%-ს.
აკადემიური მიღწევები და პროფესიული წვრთნა	4	5	კანდიდატი ახალი ცოდნისა და უნარების შეძენის მიზნით, აქტიურად იღებს მონაწილეობას სხვადასხვა სემინარსა და სასწავლო კურსში.
პროფესიული აქტივობა	3	5	წარმოდგენილი ინფორმაციის თანახმად, გენადი მაკარიძეს მონაწილეობა აქვს მიღებული მართლმსაჯულების საკითხებზე გამართულ სხვადასხვა ღონისძიებაში. თუმცა, იგი არ არის დაკავებული სამეცნიერო და პედაგოგიური საქმიანობით და არ აქვს გამოქვეყნებული სამართლებრივი პუბლიკაციები.
ქულათა ჯამი	92	100	
დასაბუთება	უზენაესი სასამართლოს მოსამართლეობის კანდიდატის შეფასება კეთილსინდისიერების		

კრიტერიუმის მიხედვით

საქართველოს იუსტიციის უმაღლესი საბჭოს 2020 წლის 2 ნოემბერს N1/138 განკარგულებით დაიწყო საქართველოს უზენაესი სასამართლოს მოსამართლეობის კანდიდატთა შესარჩევი პროცედურა. აღნიშნულ პროცედურაში იუსტიციის უმაღლესი საბჭოს 2020 წლის 1 დეკემბრის N1/214 განკარგულებით კანდიდატად დარეგისტრირდა გენადი მაკარიძე.

„საერთო სასამართლოების შესახებ“ საქართველოს ორგანული კანონის თანახმად, იმის დასადგენად თუ რამდენად აკმაყოფილებს კანდიდატი გენადი მაკარიძე კეთილსინდისიერების კრიტერიუმს, წინამდებარე დასკვნაში წარმოდგენილი და გაანალიზებულია მისი შეფასება აღნიშნული კრიტერიუმის თითოეულ მახასიათებელთან მიმართებით. კერძოდ, პიროვნული კეთილსინდისიერება და პროფესიული სინდისი; დამოუკიდებლობა, მიუკერძოებლობა და სამართლიანობა; პიროვნული და პროფესიული ქცევა; პიროვნული და პროფესიული რეპუტაცია; ფინანსური ვალდებულება.

აღსანიშნავია, რომ კეთილსინდისიერების კრიტერიუმით გენადი მაკარიძის შეფასება დაეყრდნო კანდიდატების შესახებ მოძიებულ ინფორმაციას, რა დროსაც სხვადასხვა უწყებიდან მოხდა მის შესახებ შემდეგი სახის ინფორმაციის გამოთხოვა: საქართველოს შინაგან საქმეთა სამინისტროდან მონაცემები ადმინისტრაციული სამართალდარღვევების შესახებ, სს „კრედიტინფო საქართველოდან“ სრული პერსონალური საკრედიტო ინფორმაცია, საქართველოს ფინანსთა სამინისტროს შემოსავლების სამსახურიდან ცნობა შემოსავლების შესახებ, საჯარო სამსახურის ბიუროდან ქონებრივი მდგომარეობის დეკლარაცია, კანდიდატის სამუშაო ადგილიდან ინფორმაცია დისციპლინური სამართალწარმოების შესახებ, გენადი მაკარიძის დახასიათების მიზნით მასთან სამსახურებრივ და პირად ურთიერთობაში მყოფი პირებისგან შევსებული სპეციალური ფორმის რეკომენდაციები, კითხვარები და სხვ. ამასთან, მნიშვნელოვანია, აღინიშნოს ისიც, რომ გენადი მაკარიძის შეფასებისას გათვალისწინებულ იქნა მის მიერ განაცხადის შევსებისას მითითებული ინფორმაცია და საჯარო მოსმენისას კანდიდატის მხრიდან გამოვლენილი სხვადასხვა თვისებები, მახასიათებლები და სხვ.

პიროვნული კეთილსინდისიერებისა და პროფესიული სინდისის მახასიათებელი

კანდიდატი გამოირჩევა პასუხისმგებლობის შესაბამისი შეგნებით და სამსახურებრივ

თუ სხვა სახის მოვალეობებს, მათ შორის, ფინანსურ ან სხვა ხასიათის ვალდებულებებს (ქონებრივი დეკლარაციის შევსება, ბანკის ან სხვა ვალის გადახდა და სხვ.) ასრულებს ჯეროვნად. აღსანიშნავია, რომ გენადი მაკარიძის პირად და პროფესიულ თვისებებს რეკომენდატორები და გამოკითხული პირები, რომლებიც კარგად იცნობენ კანდიდატს და მასთან აქვთ სამსახურებრივი თუ პირადი ხასიათის ურთიერთობა, აფასებენ დადებითად. ამასთან, რეკომენდატორები უთითებენ, რომ იგი არის კეთილსინდისიერი, თავმდაბალი, მეგობრული, სიმართლისმოყვარე, კორექტული და შრომისმოყვარე. ეს ყველაფერი კი ცხადყოფს, რომ კანდიდატს სწორად აქვს შეგნებული და გაანალიზებული როგორც პირადი, ისე პროფესიული მოვალეობები.

დამოუკიდებლობის, მიუკერძოებლობისა და სამართლიანობის მახასიათებელი

გენადი მაკარიძეს გამოკითხული რეკომენდატორები ახასიათებენ როგორც პრინციპულ, დამოუკიდებელ, სამართლიან და მიუკერძოებელ პიროვნებას. ამასთან, უთითებენ, რომ მას აქვს გადაწყვეტილების დამოუკიდებლად მიღების უნარი, არის პიროვნულად მყარი შეუვალი და ზეგავლენის მიმართ თავისუფალი. რაც შეეხება, კანდიდატის პოლიტიკურ ან სხვა ნიშნით მიუკერძოებლობის საკითხს, ამასთან დაკავშირებით უნდა აღნიშნოს, რომ იგი არ ყოფილა არცერთი პოლიტიკური პარტიის წევრი/მხარდამჭერი, შემომწირველი და საჯარო მოსმენაზეც მისი მხრიდან არ გამოვლენილა პოლიტიკური ან სხვაგვარი მიკერძოებულობის ნიშნები.

პიროვნული და პროფესიული ქცევის მახასიათებელი

გენადი მაკარიძე საჯარო მოსმენაზე ზოგად თუ სამართლებრივ საკითხებზე მსჯელობისას საკუთარ პოზიციას გამოხატავდა კორექტულად და მშვიდად. ამასთან, მოძიებული ინფორმაციის თანახმად, კანდიდატი იცავს სამოსამართლო ეთიკის წესებს, კოლეგებთან თუ სხვა პირებთან ურთიერთობისას არის კორექტული და გამოირჩევა მოსამართლის მაღალი წოდების შესაბამისი ქცევითა და იმიჯით. აღსანიშნავია, რომ გენადი მაკარიძის წინააღმდეგ არ დაწყებულა დისციპლინური დევნა და იგი სასამართლოში წარმართულ დავებში მხარედ/დაზარალებულად წარმოდგენილი არ ყოფილა.

პიროვნულ და პროფესიულ რეპუტაციის მახასიათებელი

გენადი მაკარიძის პიროვნულ თვისებებს, ისევე როგორც მის პროფესიულ მიღწევებს რეკომენდატორები და გამოკითხული პირები აფასებენ დადებითად. ამასთან, რეკომენდატორები აღნიშნავენ, რომ იგი გამოირჩევა კარგი საქმიანი და მორალური რეპუტაციით და იურიდიულ წრეებსა და საზოგადოებაში სარგებლობს კარგი ავტორიტეტით. ამასთან, იუსტიციის უმაღლესი საბჭოს საზოგადოებასთან და მედიასთან ურთიერთობის მენეჯერის მიერ მოწოდებული ინფორმაციის თანახმად, გენადი მაკარიძის შესახებ ინტერნეტ სივრცეში იძებნება სხვადასხვა სახის ინფორმაცია, მათ შორის, მის მიერ განხილულ საქმეებთან დაკავშირებით, მისი მონაწილეობის შესახებ უზენაესი სასამართლოს მოსამართლეთა შესარჩევ კონკურსში და სხვ. იურიდიულ წრეებთან ურთიერთობის ხასიათთან და ხარისხთან დაკავშირებით კი მხოლოდ იმის აღნიშვნა შეიძლება, რომ კანდიდატი აქტიურად იღებს მონაწილეობას მართლმსაჯულების საკითხებზე გამართულ სხვადასხვა ღონისძიებაში.

ფინანსური ვალდებულების მახასიათებელი

კანდიდატის შესახებ მოძიებული ინფორმაციის თანახმად, გენადი მაკარიძეს აქვს დადებითი საკრედიტო ისტორია და მას სახელმწიფო ბიუჯეტის მიმართ დავალიანება არ ერიცხება. ამასთან, იგი მეწარმეთა და არასამეწარმეო იურიდიულ პირთა რეესტრში რეგისტრირებული არ არის. ამრიგად, კანდიდატის ფინანსური ვალდებულებების შემოწმების შედეგად, არ არსებობს მისი ქონებრივი ინტერესების მართლმსაჯულების ინტერესებთან დაპირისპირების საფუძველი, რამაც შესაძლოა შემდგომში საფრთხის ქვეშ დააყენოს მოსამართლის მიუკერძოებლობა.

ზემოაღნიშნულის გათვალისწინებით, დასკვნის სახით, შესაძლებელია ითქვას, რომ ვინაიდან არ გამოკვეთილა ისეთი გარემოება, რომელიც ეჭვქვეშ დააყენებდა კანდიდატის კეთილსინდისიერების საკითხს, მიმაჩნია, რომ იგი სრულად აკმაყოფილებს აღნიშნულ კრიტერიუმს.

უზენაესი სასამართლოს მოსამართლეობის კანდიდატის შეფასება კომპეტენტურობის კრიტერიუმის მიხედვით

„საერთო სასამართლოების შესახებ“ საქართველოს ორგანული კანონის თანახმად, კომპეტენტურობის კრიტერიუმის საფუძველზე გენადი მაკარიძის შეფასებისას მხედველობაში იქნა მიღებული აღნიშნული კრიტერიუმის თითოეული მახასიათებელი. კერძოდ, სამართლებრივი ნორმების ცოდნა; სამართლებრივი დასაბუთების უნარი და კომპეტენცია; წერის უნარი; ზეპირი კომუნიკაციის უნარი; პროფესიული თვისებები, მათ შორის, ქცევა სასამართლო დარბაზში; აკადემიური მიღწევები და პროფესიული წვრთნა; პროფესიული აქტივობა. აღსანიშნავია, რომ კომპეტენტურობის კრიტერიუმით კანდიდატის შეფასება დაეყრდნო კანდიდატის შესახებ მოძიებულ ინფორმაციას, მათ შორის, მის მიერ წარმოდგენილ სამართლებრივ დოკუმენტს და საჯარო მოსმენის შედეგად შექმნილ შთაბეჭდილებას.

სამართლებრივი ნორმების ცოდნის მახასიათებელი

იუსტიციის უმაღლესი საბჭოს თითოეული წევრის მიერ კანდიდატების შესახებ მოძიებული ინფორმაციის შესწავლის შემდეგ, 2021 წლის 29 ივნისს გენადი მაკარიძესთან გაიმართა საჯარო მოსმენა.² მოსმენაზე კანდიდატი იყო თავდაჯერებული, კორექტული და თავდაჭერილი. პრობლემურ და აქტუალურ სამართლებრივ საკითხებზე საუბრისას იგი ღიად, თავისუფლად გამოხატავდა საკუთარ შეხედულებებს, სიღრმისეულად აანალიზებდა საკითხებს და ავითარებდა არგუმენტირებულ მსჯელობას. ამასთან, დასმული შეკითხვების რელევანტურად, თემის ფართოდ და ნათლად განსახილველად იგი აქტიურად იყენებდა საერთო სასამართლოების პრაქტიკას. აღსანიშნავია, რომ კანდიდატის პასუხები თითქმის ყველა დასმულ შეკითხვაზე იყო ამომწურავი, დასაბუთებული და იგრძნობოდა საკითხის საფუძვლიანი ცოდნა.

ამასთან, გენადი მაკარიძის მიერ წარმოდგენილი სამართლებრივი დოკუმენტის შესწავლისა და საჯარო მოსმენის პროცესში კანდიდატის მიერ გაცემული პასუხების გაანალიზების შედეგად, შესაძლებელია ითქვას, რომ იგი კარგად ფლობს მატერიალურ და საპროცესო კანონმდებლობას. აგრეთვე, ეცნობა ადამიანის უფლებათა ევროპული სასამართლოს პრაქტიკას. მნიშვნელოვანია, რომ კანდიდატი სწორად ახდენს სამართლებრივი ნორმების გაანალიზებას, მათი მიზნისა და შინაარსის დადგენას. გენადი მაკარიძის მიერ მიღებული გადაწყვეტილება კი ცხადყოფს, რომ მსჯელობისას იგი კარგად განმარტავს სამართლებრივ ნორმებს. ასევე, გააჩნია საკითხის სწორად გაანალიზებისა და

² იხ. გენადი მაკარიძესთან გამართული საჯარო მოსმენის ვიდეჩანაწერი: <https://www.youtube.com/watch?v=v4Z9if7cFCQ>

ლოგიკური დასკვნების გამოტანის უნარი.

აღსანიშნავია, რომ კანდიდატს ჩაბარებული აქვს მოსამართლეობის საკვალიფიკაციო გამოცდა (სამოქალაქო და ადმინისტრაციული სამართლის სპეციალიზაცია). იგი იყო იუსტიციის უმაღლესი სკოლის VI ჯგუფის მსმენელი და იუსტიციის მსმენელთა საერთო საკვალიფიკაციო სიაში დაიკავა 56-ე ადგილი.

სამართლებრივი დასაბუთების, კომპეტენციისა და წერის უნარის მახასიათებლები

კანდიდატს აქვს ხანგრძლივი პროფესიული, მათ შორის, მოსამართლის თანამდებობაზე მუშაობის 9-წლიანი გამოცდილება. იგი ამჟამად არის თბილისის სააპელაციო სასამართლოს სამოქალაქო საქმეთა პალატის მოსამართლე. გენადი მაკარიძის წერის უნართან დაკავშირებით კი მის მიერ წარმოდგენილი სამართლებრივი დოკუმენტის შესწავლის საფუძველზე შესაძლებელია აღინიშნოს, რომ კანდიდატს აქვს სათანადო წერის უნარი. კერძოდ, იგი თანმიმდევრულად აყალიბებს ფაქტებსა და სამართლებრივ საკითხებს. მის მიერ ჩამოყალიბებული მსჯელობა არის ლოგიკური და დასაბუთებული. ამასთან, ტექსტი აგებულია ცხადი, ნათელი და გამართული ენით. მასში ძირითადად დაცულია მართლწერისა და პუნქტუაციის წესები.

ამასთან, საჯარო მოსმენაზე კანდიდატი სხვადასხვა სამართლებრივ საკითხებზე მსჯელობისას ძირითადად ახერხებდა საკუთარი პოზიციის დამაჯერებლად გამოცემას. უნდა აღინიშნოს ისიც, რომ გამოკითხული რეკომენდატორები უთითებენ, რომ კანდიდატი გამოირჩევა ლოგიკური მსჯელობისა და ანალიტიკური აზროვნების უნარით, ასევე, მიიჩნევენ, რომ ადმინისტრაციულ და სამოქალაქო დავებზე მის მიერ მიღებული გადაწყვეტილებები დასაბუთების მხრივ არის სრულყოფილი.

ზეპირი კომუნიკაციის უნარის მახასიათებელი

გენადი მაკარიძე მეტყველებს გამართულად და შეუძლია სხვისი აზრის მოთმინებით მოსმენა. ამასთან, იგი საკუთარ პოზიციას ძირითადად გადმოსცემს ღიად, ნათლად და მკაფიოდ.

აღსანიშნავია, რომ გამოკითხული რეკომენდატორები კანდიდატის ზეპირი

კომუნიკაციის უნარს აფასებენ დადებითად და უთითებენ, რომ მას აქვს ლოგიკური მსჯელობისა და ანალიზის, აზრის ნათლად გასაგებად გადმოცემის უნარი.

პროფესიული თვისებების, მათ შორის, სასამართლო დარბაზში ქცევის მახასიათებელი

კანდიდატის წარმოებაში არსებულ საქმეთა განხილვის სტატისტიკური ინფორმაციის თანახმად, 2017 წლის 1 ნოემბრიდან - 2020 წლის 1 ნოემბრამდე პერიოდში, მაღალია მის მიერ საპროცესო ვადების დაცვით განხილულ საქმეთა პროცენტული მაჩვენებელი - 88,1%, უცვლელად დატოვებულ გასაჩივრებულ გადაწყვეტილებათა პროცენტული მაჩვენებელი კი შეადგენს 81,6%-ს. რაც ცხადყოფს, რომ გენადი მაკარიძე არის პროდუქტიული, სწრაფი, შრომისმოყვარე, კარგად ახდენს საქმეთა ნაკადის მართვას, იგი სასამართლო სხდომებს წარმართავს სათანადოდ და აქვს სტრესულ სიტუაციაში მუშაობის უნარი. ამასთან, კანდიდატთან საქმიან ურთიერთობაში მყოფი პირები გენადი მაკარიძეს ახასიათებენ როგორც პუნქტუალურ, გულმოდგინე, შრომისმოყვარე პიროვნებას, აგრეთვე უთითებენ, რომ მას აქვს გადაწყვეტილების დაუხმარებლად მიღებისა და დამოუკიდებელი აზროვნების უნარი.

აკადემიური მიღწევების, პროფესიული წვრთნისა და პროფესიული აქტივობის მახასიათებლები

გენადი მაკარიძე არის ღია სიახლეების მიმართ და აქვს ახალი ცოდნისა და უნარების შეძენის ინტერესი. იგი აქტიურად იღებს მონაწილეობას მართლმსაჯულების საკითხებზე გამართულ სხვადასხვა ღონისძიებაში. აგრეთვე, გავლილი აქვს მოსამართლის თანამემწის სამთვიანი სასწავლო კურსი. ამასთან, კანდიდატის დახასიათებისას ერთ-ერთი რეკომენდატორი უთითებს, რომ იგი გამოირჩევა ინიციატივის გამოჩენის უნარით. თუმცა, გენადი მაკარიძე არ არის დაკავებული სამეცნიერო და პედაგოგიური საქმიანობით და არ აქვს მომზადებული სამეცნიერო ან სხვა სახის პუბლიკაცია.

შეჯამება

	<p>ყოველივე ზემოაღნიშნულის გათვალისწინებით, კანდიდატ გენადი მაკარიძესთან დაკავშირებით შესაძლებელია ითქვას, რომ იგი სრულად აკმაყოფილებს კეთილსინდისიერების კრიტერიუმს. ამასთან, კომპეტენტურობის კრიტერიუმის თითოეულ მახასიათებლთან მიმართებით კანდიდატის შეფასებისას გათვალისწინებულ იქნა მისი ცოდნა, კომპეტენცია, გამოცდილება, პროფესიული თვისებები, უნარ-ჩვევები და სხვა მნიშვნელოვანი მახასიათებლები. შესაბამისად, აღნიშნული ინფორმაციის შეჯერებისა და ანალიზის საფუძველზე კანდიდატის მიერ დაგროვილ ქულათა ჯამმა, მაქსიმალური 100 ქულიდან, შეადგინა 92 ქულა.</p>
--	--

სახელი, გვარი: ნიკოლოზ მარსაგიშვილი

ხელმოწერა:

თარიღი:

07/07-2021 წ/წ

